

GOBIERNO DE NAVARRA

PRESIDENCIA JUSTICIA E INTERIOR

ECONOMIA Y HACIENDA

RELACIONES INSTITUCIONALES Y
PORTAVOZ DEL GOBIERNO

ADMINISTRACION LOCAL

EDUCACION

SALUD

DESARROLLO RURAL Y MEDIO
AMBIENTEASUNTOS SOCIALES FAMILIA
JUVENTUD Y DEPORTE

CULTURA Y TURISMO

OBRAS PUBLICAS TRANSPORTES Y
COMUNICACIONESVIVIENDA Y ORDENACION DEL
TERRITORIO

INNOVACION EMPRESA Y EMPLEO

SEGURIDAD Y EMERGENCIAS

"Navarra, de casa en casa" erakusketa Gasteizen ikusgai dago maiatzaren 30era arte

Foru Komunitateko historiari, arteari, ondareari, gastronomiari, paisaiari eta tradizioei buruzko argazkiak biltzen ditu

Viernes, 20 de mayo de 2011

"Navarra, de casa en casa" Gasteizen ikusgai dago maiatzaren 30era arte, Zuberoa plazako 1. zenbakian kokatutako Iparralde zentro zibikoan. Espazio hori asteleheneetik igandera irekita dago, 8:00etatik 22:00etara.

Erakusketa atzo inauguratu zuten, eta ekitaldian "Añoranzas" abesbatzak parte hartu zuen. Inaugurazio-ekitaldian Patxi Lazcoz Gasteizeko alkateak eta Gloria Sánchez Gobernuak Araban duen ordezkariordeak parte hartu zuten, baita probintziako beste agintari politiko, militar eta kultural batzuek ere.

Erakusketa Foru Gobernuak eta Nafar Etxeen Federazio Nazionalak antolatuta dute. Horretan, Foru Komunitateko historiaren, artearen, ondarearen, folkloreak, gastronomiaren, paisaiaren, tradizioen eta jaien alderdi aipagarriak jaso dira. Horrez gain, Nafarroarako garrantzitsuak diren sektoreei buruzko irudiak daude, hala nola teknologia berrienak eta energia berriztagarrienak, baita arkitektura berriari buruzko irudiak ere.

Koloreetako 25 argazki dira, Manuel Hidalgo Nafarroako kazetariaren "Navarra, una invitación al futuro" liburuko guztien artean hautatuak. Argazkien egileak Patxi Úriz eta Villar López Nafarroako argazkilariak dira.

Irudietan hurrengo hauek ikus daitezke: Villamayor de Monjardíneko iturri zaharra edo mairuena, Done Jakue Bideko erromesaldia, Ituren eta Zubietako inauterietako joaldunak, Leireko Monasterioa, Erriberriko Jauregia, Lokiz mendilerroa eta Allin, Errege Bardeak, Iruñeko Oblatas zubia, txupinazoa, yoga, entzierroa kaleetan eta aire-errotak.

Era berean, Nafarroako Foruen monumentua, Gares, Uxue, Baztan, Oteiza Fundazioa-Museoa, erromeriak, Nafarroako Unibertsitatearen campusa, Tutera, Pilón izeneko entzierroa Faltzesen, pilota, Arrotxapeako igogailua Iruñean, Nafarroako Parlamentua eta Foru Komunitatearen hiriburuko hirigune zaharrean dagoen osasun-zentroa agertzen dira.

Irudi bakoitzaren ondoan panel irregularra agertzen da, edukia azaltzen duen testu labur batekin. Testu hori irudian agertzen denarekin zuzenean lotutako profesionalak idatzi dute.

Erakusketa bi bideorekin osatzen da. Bata "Navarra, pasión por el rojo" da, eta bestea, 3D formatuan, San Fermin jaiei buruzkoa. Horrez gain, Foru Gobernuak argitaratutako liburuak daude, besteak beste, "Navarra, una invitación al futuro".

Erakusketa ibiltaria Iruñean egon zen lehenengo, eta ondoren, Tuteran, Bartzelonan eta Zaragozan egon da. Aurreikuspenen arabera, datozen hilabeteetan beste probintzia-hiriburu batzuk bisitatuko ditu, hala nola Burgos, Santander, Bilbo, Sevilla eta Madril, baita Nafarroako beste herri batzuk ere, besteak beste, Tafalla, Erriberri, Zangoza eta Lizarra.